

Incidentet në ndeshjen mes Serbisë dhe Shqipërisë ringjallën fjalorin e vjetër të politikanëve serbë, derisa mediat u shfrytëzuan masivisht në përhapjen e propagandës kundër shqiptarëve.

Vukashin Obradoviq, kryetari i Shoqatës së Pavarur të Gazetarëve serbë, thotë se të jesh gazetar në Serbi është e vështirë, sidomos për faktin se kontrolli ndaj mediave është i ngjashëm me atë nga epoka e Millosheviqit, raporton KTV.

Ai pohon se gjuha e urrejtjes e përdorur së fundi ndaj shqiptarëve në media më shumë ishte tentim për të tërhequr vëmendjen nga problemet e shumta me të cilat ballafaqohen qytetarët serbë.

Drejtori dhe kryeredaktori i agjencisë së lajmeve Fonet, Zoran Sekulic, vlerësoi se gjuha e urrejtjes në media, ndonëse jo praktikë e shpeshtë, udhëhiqet nga shteti, derisa mediat i krijojnë në organe politike-shoqërore.

Derisa disa besojnë se bëhet fjalë për liri të shprehjes, të tjerët, pas këtyre ballinave shohin propagandë nacionaliste, transmeton Koha.net.

Gazetari shqiptar në Beograd, Idro Seferi, pohon se pas incidenteve të ndryshme në ndeshjen Serbi-Shqipëri pati dukshëm raportime të njëanshme dhe të ndikuara.